

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدملیدر .

عرفای امتک مقالات متصوفانه لرینه
جریده صوفیه نک صحیفه لری آچقندر .
درج ایدلیان اوراق اعاده ایدلر .

هیئت تحریریه مدیری :

جریده صوفیه

شیمدیلاک هفته ده بر نشر اولنور .

نسخه سی ۴۰ پارده در .

ابونه سی : برسنه لك اعتباریله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنیه ایچون اون ایکی فرانقندر

محل اداره باب عالی جوارنده ابوالسمود
جاده سنده نجم استقبال مطبعه سی
ابن مولانا سعید چلبی

کندی نفسکده آراسنده وفا پرور ایسهک
او وفادار ازل همدم اغیار اولاماز
قلبی صیقل توحید ایله پاک ایلیان
گیرسده یار اوینه مظهر دیدار اولاماز
تروت و مال جهان، عزت و اقبال زمان،
عاشق صادق ایچون مطلع انظار اولاماز
مؤنه آتشی خلت درایدن بردوسلام
نار نمرود شقا هرکه کلزار اولاماز
قابلی نظر ایلدی موسایی صق،
طلعت نور ایله هرقلب صفا زار اولاماز
غایه وسلته محرم کیلان دل یاشاماز
حق هر لحظه کورن دیده، جهاندار اولاماز
باق نه خوشدر می پیرنک (رأیت ربی ...)
بر ایچن قطره سنی بردها هشیار اولاماز
جان نهدر کیم آتی قربان ایدیم حضرتنه
جمله اکوان بیله بر تحفه ایثار اولاماز
فیض (ما اعظم شائی) دن اولان مست رحق
رمزو دعوای (أنا الحق) ایله بردار اولاماز
مقصدک عشق ایه وحی سواو (کنز الوحی) ی
بیلکه الله رقیب اوله کبی کار اولاماز.

رجب وحی

تراجم

عروس خلد اولوب یاتمش مصلاى معلاده
شو تابوت مزین اکا تحت انقلاب اولمش
مزارک بوی جنت نشر ایدر ای دایه عصمت
مکر کیم رشحه رحمتله قبرک مشکناپ اولمش
بو هم بر رحمت آتاری دگلی شبنم اشکم
مزارک کلین ایتمش آب چشنام کلاب اولمش
نمشبه جلوه کرسک عالم علوی عزنده
اکرچه مرغ روحک لانه بند اغتراب اولمش
غم فردایی چکسین قید عقبادن اولان غافل
نه پاک وار سنک کیم خلق ایچون یوم الحساب اولمش
نصل بیلمک شرح حال هجران ایلهیم جانا
سنکله فکر معنی پروم زیرا تراب اولمش
دخی امید تعمیر ایله کاشانه دلدن
فراق آتیشکله کوکل بردن خراب اولمش
بنا کوشک خیال ایتمش مکر کیم بو فرید زار
کوزندن دوکدیکي خونابه لر هپ درناب اولمش

• درسم سنجانی مدعی عمومی

خرپوتی

احمد فرید

« بیت الحزنده بر صدا »

« بیت الحزندن بر صدا »
« افلاک قیلدی زناک »
« بو سله بنده ازما »
« دوشدم زمینه سینه پاک »

بلوطلر صانه کوکده دود آهدر سحاب اولمش
بریکمش اشک چشم اول سحاب ایچره حجاب اولمش
روادر بنده رفع ایتسم سایه ناله جانکاه
کفن اول ماهه زیرا برده غیب و حجاب اولمش
شب دیچور وصلی روشن ایتکدر مکر قصدی
کیارک شمع روی غبطه بخش ماهتاب اولمش
جیننده یازمش لوحه توحید واستغفار
مبارک وجهی صانکیم مؤمنانه بر کتاب اولمش
قیامت کوملکی و پریش قد طوباسنه زینت
« ازاری هم عذار آله رنگین نقاب اولمش

بابل حقایق کلشنی شیخ شعیب شرف الدین افندی حضرتلری

بو ذات محترم حضرت پیر سزائینک بشنچی بطن اولادیدر.
ادرنده بیک ایکی یوز الی سکر سنه هجریه سنه زینتساز عالم شهود
اولمشدر. پدرلری شیخ سیف الله افندی انک پدری شیخ شعیب
افندی انک پدری شیخ وفا افندی انک پدری شیخ مسلم افندی
اولوب حضرت سزائینک دامادیدر.

یکرمی یاشنه قدر ادرنده تحصیلده بولنوب بو صرمده پدرلرینک
انتقالی اوزرینه استانبوله کله رک ملا عشق درکهنده شیخ مصطفی
حلمی افندی [۱] نام مرشد کامله انتساب ایله ادونیه بالموده اوج سنه
سوری دیگر یاندن تحصیل معنوی په حصر مساعی ایده گلکده. ایکن
اوج سنه سکره شیخک ارتحالیه کلزار رشادتک بو غنچه معرفتی
سکره ایکنچی دفعه استانبوله کلدکرنده طریق کلشنیدن تبرکاً اجازه
آلمشدر. (۱۲۸۰) ده تکرار ادرنده دونه رک بر یاندن تحصیل

[۱] ۱۲۸۳ ده ترک عقبای ایلدی صانیه امیراخور درکاهی خطیه سنه.
مدفون ورحمت حقه مقروندر ملا عشق درکاهی شیخی علی رضا افندیکن خلفه.
سندن اولوب حاجی الیاس جامی امامی مبارک بر ذات ایدی.

پك ملول اولمشیدی . صكره ادرنه جامع عتیق مدرسی جامع الطرق عارف معارف الیهی استماعیل رشدی افندی حضرتلرینك داخل دائره تربیتلری اولوب تفسیر ، حدیث ، تصوف علملرندن و مشاراایلك انقاس قدسیه سندن بهره یاب اولمشلردر . بو مناسیتله بلب باغ عرفان حریری زاده محمد کمال الدین افندی مرحوم ایله الفت وانسیت حصوله کلوب بینهماده طریقت اسراری الیش ویریشی جریان ایتدی .

حریری زاده اعظمیدن و مستوریندن بر ذات اولوب بروسه لی طاهر بك افندی ترجمه حاللرینی نشر بیور مشلردر ۱۲۶۷ ده استانبولده طوغوب ۱۲۹۹ ده ینه استانبولده ترك عالم ناسود ایتدكلرندن ایوبده حسیب افندی دركاهنده مدفوندر . قدس الله سره

شرف الدین افندی ۱۲۹۰ ده مشایخ كلشنیه دن محمد محوی افندی اسمنده بر ذات محترمندن ده فیضیاب اولوب طریق كلشنیه ذوالجناحین اولمشیدی چونكه مصطفى حلمی افندینك سلسله طریقه سزایی قولندن ، محوی افندینك سلسله طریقه ایسه طوغریدن طوغری به حضرت پیر ابراهیم كلشنیدن كلن حالی قولندن ایدی .

شرف الدین افندی ملاقی اولدینی بو قدر ذوات كرامك ذوق محبتلرینك دماغنده بر اقدینی تأثیرات معنویه ایله كندینه بر مسلك متین اتخاذ ایدرك اختیار عالم وحدت بیوروب كالات عارفانه لرینی ایلری كوتورمك ایچون صوك نفسنه قدر مشغول علم وحدت اولمشلردی . ادرنه ده پوست نشینی بولندقلری كلشنی ولی دده دركاهی مرجع خاص وعام اولوب مجلس شریفنه هر كلن استعدادینه كوره ذوقیاب اولوردی . اورته بویلی ، طوب و بیاض صقاللی ، نه ضعیف ، نه شیشان ، غایت كوزله یوزلی ، باك اوزلی ، سوبلی چهره لی ، ملتفت ، متواضع آتشین باقیشلی داودی سسلی بر ذات مكرم ایدی . حضرت بیرام ولینك بو دركاهده اربعین چیقاردقلری حجره حضرت شیخك ازواكاهی ایدی علما ، فضلا ، مشایخ ، ملكی عسكری رجال نزد عالیلرندن اكسك اولمازدی دائما مباحثات علمیه و تصوفیه ایله دمكذار اولورلردی . حضرت پیر سزائینك

قلم صنع ازل هر نه كه تحریر ایتدی
نبت ایدوب صحف ابده انی تقریر ایتدی

خرنله پك عارفانه بر شرح یازمشلردر . طبع اولمشیدی . بونی مطالعه ایدنلر حضرتك درجه كاله و مرتبه عشقه حیران اولمشلردر . جد محترملری احمد مسلم و شیخ وفا حضرتلك دیوانلرینی ودها بعض انارینی ده طبع ایتدیر مشلردی .

طریق تصوفده اك غامض مشكللر حضرت شیخك یاننده پك بسیط كورونوردی . حضرت شیخ اكبر اقدمزه حضرت مصری نیاززی به ، جناب بدرالدینه ، صلاح الدین عشاقی به میللری غالب اولدیفندن انوار محبت و محبت دائما كندیلرینه بو مطالعه دن كورونوردی حضرت

كلشنيك و حضرت سزائینك سوزلرینی اك ابی آكلایانلردن ایدی . خلفاسی درتیوزه قریب اولوب مریدانی بشن بیكدن فضله ایدی . عربی ، فارسی ، تركی لسانلری اوزره یازمش مکتوبات علیه لری واردر . جمع و تافیقنه جالیشلمقده اولدیفندن انشاالله طبع اولنق متصوردر .

قیشین اوزون كوپریده یازین ادرنه ده بولنورلردی صوك دفعه اوزون كوپریده بولندقلری زمان مبتلا اولدقلری ضیق صدر علتندن رهایاب اوله میه رق بیک اوچیوز یكرمی یدی سنسی یسانك اون ایكنچی صالی کیجه سی ساعت ایکی راده لرنده ترك جامه حیات ایلدیلر . نعلش شریفلری اورادن احتقالات فوق العاده ایله رترنله ادرنه به نقل اولنوب اسکی جامعده نمازی قیلندقدن صكره دركاه شریف خطیره سنده حضرت مسلمك تربیه شریفاسی دروننده و دیعه رحمت رحمان قیلندی . قدس الله سره

محرر فقیر كندیلرینی پك سودیكمدن مکتوبات علیه لرندن جوغنی طولیادم مفصل بر ترجمه حاللرینی یازدم وشو تاریخی سولدم .

جناب شیخ شرف الدین كلشنیدر بو
ادبه ایله زیارت بو ذات اكرمی كه
تمام تاریخیدر (شیخ عارف بالله)
كالم حكمت اسرار روشنیدر بو
فیوض زمره ابرار معدنیدر بو
خدای لم یزالك لطف احسنیدر بو

مکتوبات علیه لرندن بر قاجنی محترم جریده صوفیه ایله نشر ایده حكیم . حضرتك آثار منظومه تصوفیه سی ده واردر . بری تبركا درج اولندی .

فیدامكانه بولماز روح من مأوی عشق
چونكه رب زدن فیک دیدی سالار رسل
افسر داغ جنونی باشنه تاج اتمه دن
عافلان حال عشق ایلک نفیم كوج
صقیل توحید ایله بولسه درونك انجلا
جان و باش و برمك كر كدر اشوبولده حاصلی
مظهر اسماء حقدر جمله اشیا یی شرف
شش جهتن طهره طیران ایلدی عنقای عشق
وادی حیرنده اسكان ایلدی آلا ی عشق
ایله بهوده ای دل دعوی ایلا ی عشق
چون حروف و لفظ و صوته صیفندی معنای عشق
كور بنوردی سكا آندن جهره رعنا ی عشق
نقد تنله آلتور صانع بكم كالای عشق
ایله عبرتله نظر کیم اوله سین دانای عشق

حضرت شیخك انتقالندن صكره اوراق پریشانی آرده سنده بر فخریه لری بولمشیدی كه ایلک بیتی بروجه آتیدر .

قطره یم صورتنده اما مغنیده دریا بنم
حمله عالم بنده در دنیا و مافیها بنم

حسین و صاف

مدیر مسئول : حسن كاظم

نجم استقبال مطبعه سی